



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

„აჭარა“

„აჭარა“, ქართული საზოგადოებრივ-პოლიტიკური ყოველდღიური გაზეთი.

სხვადასხვა დროს ბათუმის საოლქო რევკომისა და მე-11 წითელი არმიის პოლიტ. განყოფილების; საქ. ბათკომის და აჭარისტანის ცენტრალური კომიტეტის (ცაკის); საქ. კპ(ბ) აჭარისტანის, აჭარისტანის ცაკის და აჭარპროფსაბჭოს; საქ. კპ(ბ) აჭარისტანის საოლქო კომიტეტის, მუშათა, გლეხთა, წითელარმიელთა და მეზღვაურთა დეპუტატების საბჭოების ცაკის და აჭარისტანის პროფსაბჭოს; საქ.კპ(ბ) აჭარისტანის ოლქკომის და აჭარისტანის ცაკის, პროფსაბჭოსა და ბათუმის ქალაქის საბჭოს; საქ. კპ(ბ) აჭარის ოლქკომის და აჭარის ცაკის; საქ. კპ(ბ) აჭარის საოლქო კომიტეტის და აჭარის ასსრ მშრომელთა დეპუტატების საბჭოს; საქ. კპ საოლქო კომიტეტის, აჭარის ასსრ უმაღლესი საბჭოსა და მინისტრთა საბჭოს უმაღლესი პერიოდული ბეჭდვითი ორგანო.

გამოდის 1921 წ. 19 მარტიდან. „ა-ს“ რამდენჯერმე შეეცვალა სახელი. თავდაპირველად ეწოდებოდა „უწყებები“ (1921-22), „პროლეტარიატის ბრძოლა“ (1922-24), „ფუხარა“ (1924-29), „საბჭოთა აჭარისტანი“ (1929-36), „საბჭოთა აჭარა“ (1936-90), „აჭარა“ (1990-იდან). „ა-ს“ მთავარი რედაქტორები იყვნენ: ს. ჩიხლაძე (1921-22), თ. ჟღენტი (1922), ნ. ზომლეთელი (1923), ი. ბახტაძე (1923-24). თ. სიხარულიძე (1924-25), ა. პაპავა (1925-28), დ. დუმბაძე (1928-31), დ. ვოლსკი (1931-32), ვ. ბუაჩიძე (1932), დ. დუმბაძე (1932-43), ა. კელენჯერიძე (1943-49), შ. ქურიძე (1949-52), პ. კობრეიძე (1952-53), შ. ქურიძე (1953-58), რ. სირაძე (1958-71), შ. ქურიძე (1971-85), ვ. წულუკიძე (1985-91), ა. სამსონია (1991-99), ნ. ზოსიძე (1999-2002), ნ. ჯაფარიძე (2003-04), დ. ჩხარტიშვილი (2004-07), გ. თებაძე (2007-09), გ. გორგასლიძე (2009-14), მ. მითაიშვილი (2014-იდან). „ა.“ თავდაპირველად ორენოვანი ქართული, რუსული გამოცემა

იყო, იბეჭდებოდა ორ გვერდზე 500-600 ცალი და ქუჩებში აკრავდნენ. თავიდან ოფიციალურ მასალებს ბეჭდავდნენ. შემდეგ ავტორთა წრე გაფართოვდა. კონტაქტები დამყარდა მთელი საქართველოს, თბილისის ინტელექტუალურ წრეებთან – დაიბეჭდა ა. ნულაძის წერილების სერია, გაზეთს ესტუმრა ს. ესენინი (1924). II მსოფლიო ომმა წინ წამოწია პატრიოტული თემატიკა.

დაიბეჭდა ს. ჯანაშიას, ნ. ბერძენიშვილის, ა. ჩიქობავას, ს. ჯიქიას, ე. თაყაიშვილის, საქართველოს კათოლიკოს-პატრიარქ კალისტრატეს წერილები, ი. აბაშიძის, გ. ლეონიძის, ა. ადამიას, ნ. მაღაზონიას, ვ. ჟურულის, ლ. მრელაშვილის პოეტური ნაწარმოებები, გ. აბაშიძის ლექსების ციკლი „სამხრეთ საზღვარზე“. „ა-ს“ 1500 ცალი თბილისში იყიდებოდა (1952-56).

XX ს. 60-იან წლებში გაზეთმა გამოაქვეყნა ჟურნალისტ ნ. შამანაურის ნარკვევი. 80-იანი წლების II ნახ-იდან ავტორთა წრე კვლავ გაფართოვდა და თემატიკა მრავალფეროვანი გახდა. დამოუკიდებლობის მოპოვების შემდეგ გაზეთის ცხოვრებაში დაიწყო ახალი ეტაპი – იგი აქტიურად აშუქებს რეგიონსა და ქვეყანაში მიმდინარე საზ.-პოლიტ. პროცესებს.

ა. კობრეიძე
